

კერკირის მიტროპოლიტი ნექტარიოსი წმინდა სპირიდონის წმინდა ნაწილის რუსეთში ჩამოხრძანების შესახებ: „წმინდანის კურთხევა ყველაფერ დროებითსა და წარმავალზე მაღლა დგას“



სსკგ-ის კომუნიკაციის სამსახური, 27.08.2026. კერკირის, პაქსისისა და დიაპონტის კუნძულების მიტროპოლიტმა ნექტარიოსმა რუსეთში ვიზიტის შემდეგ თავისი ფიქრები და შთაბეჭდილებები გააზიარა. როგორც ცნობილია, მისი მეთაურობით რუსეთს სტუმრობდა აღნიშნული სამიტროპოლიტოს დელეგაცია, რომელმაც რუსი მორწმუნეებისთვის თაყვანსაცემად ჩამოაბრძანა წმინდა სპირიდონ ტრიუმფუტელის მარჯვება ხელი.

სააგენტო **Romfea**-ს მიერ გამოქვეყნებულ რეპორტაჟში იგი ნაცხადებს, რომ რუსეთში მოგზაურობა და სინმინდის თაყვანისცემა განხორციელდა რუსეთის მართლმადიდებელი ეკლესიის მიწვევით და ელადის ეკლესიის წმინდა სინოდის კურთხევით, ხოლო შესაბამის დოკუმენტებს ხელი მოაწერა მისმა თავმჯდომარემ, ათენისა და სრულიად ელადის მთავარეპისკოპოსმა, მისმა უნეტარესობა იერონიმემ. იერარქმა აღნიშნა, რომ ეს ვიზიტი წარმოადგენს მსგავსი მოგზაურობების გაგრძელებას, რომლებიც წარსულში განხორციელდა ამერიკის შეერთებულ შტატებში (2017 წელს), კვიპროსში, რუსეთში, უკრაინაში, სერბეთში, რუმინეთში, პოლონეთში, ბელარუსში, საქართველოში და სხვა ქვეყნებში, ასევე ელადის მართლმადიდებელი ეკლესიის სამეტროპოლიტოებში. „ყველა ეს მოგზაურობა განხორციელდა შესაბამისი საეკლესიო ხელისუფლების მოწვევით, ელადის მართლმადიდებელი ეკლესიის წმინდა სინოდის თანხმობით, კურთხევით და წერილობითი ნებართვით, – აღნიშნა მიტროპოლიტმა ნეკტარიოსმა. – როგორც რუსეთის ეკლესიაში წმინდა მომლოცველობის დროს, ასევე ყველა სხვა შემთხვევაში, წმინდა სპირიდონის მარჯვენა ხელის ჩამობრძანების ერთადერთი მიზანი ის იყო, რომ მთელს მსოფლიოში მართლმადიდებელმა ქრისტიანებმა, რომლებსაც არ შეუძლიათ კერკირში ჩამოსვლა, შეძლონ წმინდანის კურთხევის მიღება, გაძლიერდნენ რწმენაში და მოიპოვონ ძალა სულიერი ბრძოლისთვის გამინიერების, დესაკრალიზაციის, ცვალებადი ღირებულებებისა და ცნებების საყოველთა აღრევის ეპოქაში, რასაც ჩვენ ახლა საკუთარ სამშობლოშიც განვიცდით“.

მოგზაურობის შთაბეჭდილებების გაზიარებისას მან აღნიშნა: „ის სურათი, რასაც ჩვენ ყველგან ვხედავდით ჩვენი მოგზაურობის დროს, მათ შორის, რუსეთშიც, ფრიად ამაღლელებელი და დიდი იმედის მომცემი იყო. წმინდა სპირიდონი არის უბრალოების, თავმდაბლობისა, ღმერთისა და ადამიანის სიყვარულის მსოფლიო წმინდანი“. ის გვახსენებს საღმრთო ლიტურგიისა და ლოცვის მნიშვნელობას, ასევე სარწმუნოების უცვალებელობას, რადგან ის იცავდა ჩვენს წმინდა დოგმატებს პირველ მსოფლიო საეკლესიო კრებაზე, რომლის 1600 წლის თარიღი შარშან აღვნიშნეთ. ჩვენ წმინდანის კურთხევით ვცხოვრობთ და მუდმივად წინასწარ ვაგემოვნებთ აღდგომის გამოცდილებას, რომელსაც ატარებს მისი უზრუნველი სხეული და რომელიც დავანებულია ჩვენი წმინდა სამიტროპოლიტოს საკათედრო ქალაქში – კორფუში. საკუთარი თვალთ ვხედავდი რა ხალხის სიყვარულს, ღვთისმოსაობას, თაყვანისცემას და რწმენას ჩვენი წმინდანის მარჯვენა ხელით დღემდე განხორციელებული მომლოცველობების დროს, კიდევ ერთხელ გავიფიქრე, რომ საბოლოო ჯამში, სწორედ ეს იყო ღვთის ნება: წმინდანის ლოცვებით მთელს მსოფლიოში მიეღო ხალხს ღვთის მაღლი წმინდა სინმინდეების ამ მცირე ნაწილის თაყვანისცემითაც კი... იმან, რაც ამ დღეებში რუსეთში განვიცადეთ, ნამდვილად გადააჭარბა ყველა მოლოდინს. ათასობით ადამიანი, ადამიანური საზომით წარმოუდგენელი მოთმინებით იცავდა წესრიგს და რიგებს, საათობით ელოდა, სადაც არ უნდა მივსულიყავით, რათა თაყვანი ეცათ წმინდა სინმინდისთვის და მიეღოთ წმინდანის კურთხევა.

ჩვენ ვლალადებდით და ვაგრძელებთ ღლადს: „უფალი ღმერთი ცოცხალია!“. ჩვენ გვიხაროდა! ღრმად შეძრული ვიყავით! ჩვენ არ მიგვაჩნია, რომ ამ ადამიანებს უნდა ჩამორთმეოდათ წმინდა მღვდელთმთავრის კურთხევა რელიგიურ რწმენასთან დაუკავშირებელი, და მხოლოდ გეოპოლიტიკური ხასიათის მიზეზების გამო. ჩვენ ვიმედოვნებთ და ვლოცულობთ, რომ ეს მიზეზები ერთ დღეს გაქრება. წმინდანის კურთხევა კი ყოველგვარ დროებითსა და წარმავალზე მაღლა დგას“.

კერკირის მიტროპოლიტი ნეკტარიოსი ასევე შეეხო თავის მონაწილეობას მოსკოვისა და სრულიად რუსეთის პატრიარქ კირილეს მიერ აღსრულებულ საღვთო ლიტურგიაში და აღნიშნა, რომ ელადის მართლმადიდებელი ეკლესიას, რომელსაც ის ეკუთვნის, არ გაუწყვეტია ექპარისტიული კავშირი რუსეთის

მართლმადიდებელ ეკლესიასთან (ამიტომაცაკურთხა ეს მომლოცველობა ელადის ეკლესიის წმინდა სინოდმა).

„ჩვენ არ გვაქვს უფლებამოსილება მოვაგვაროთ არსებული უთანხმოებები და არ მივიჩნევთ მათ საკმარის მიზეზად იმისათვის, რომ ხალხს მოვაკლოთ წმინდა სპირიდონის თაყვანისცემის შესაძლებლობა“, –დაასკვნა მან. – ჩვენ ვლოცულობთ „ყოველთა გაერთიანებისთვის“ და „მთელი მსოფლიოს მშვიდობისთვის“, და ამ დღეებში ვიგრძენით, რომ არსებობს როგორც იმედი, ასევე შესაძლებლობა იმისა, რომ ჩვენი წმინდანების სიყვარულსა და ლოცვით მეოხებაზე დაყრდნობით, შევძლებთ ერთობლივი მონდომებით გადავლახოთ არსებული უთანხმოებები და მიდგომებში განხვავებულობა. ზოგჯერ ისინი გამოიხატება მოქმედებებში, რომელთა დანახვაც არავის სურს, მაგრამ ასეთი რამ მომხდარა ეკლესიის საუკუნოვანი ისტორიის მანძილზე. წმინდა მღვდელთმთავრის ჩვენთან მყოფობა ნიშანია იმისა, რომ არსებული უთანხმოებების მიუხედავად, ჩვენ ყველანი მართლმადიდებლები ვართ და მართლად ვიცავთ ჭეშმარიტების სიტყვას, რომელიც არის ერთსამება ღმერთის ჩვენი საერთო რწმენა მიმართ და ჩვენი ცხოვრება ერთ, წმინდა, კათოლიკე და სამოციქულო მართლმადიდებელ ეკლესიაში.

მადლობას ვუხდით ელადის მართლმადიდებელი ეკლესიის წმინდა სინოდს, ჩვენს უმაღლეს საეკლესიო ხელისუფლებას, რომ მოგვცა კანონიკური ნებართვა და კურთხევა, რათა გაგვეზიარებინა უდიდესი ძღვნის მადლი, რომელიც ჩვენთან, კერკირშია დავანებული, ისეთი ღვთისმოსავი ხალხისთვის, როგორიც რუსი ერია, რომელთანაც მრავალსაუკუნოვანი ურთიერთობა გვაკავშირებს. მათი დასაბამი იმ დროიდან იწყება, როდესაც მსოფლიო საპატრიარქომ და ბერძნულმა ბიზანტიის იმპერიამ ქრისტიანული სარწმუნოება კიევში ჩაიტანა ქრისტეს შობიდან 988 წელს.

ჩვენს ხალხებს შორის ეს კავშირები, რომლებიც მართლმადიდებლურ სარწმუნოებასა და საერთო მართლმადიდებლურ იდენტობაზეა დაფუძნებული, არ შეიძლება დაიშალოს იმ გეოპოლიტიკური მიზეზების გამო, რომლებიც მუდმივად არ იარსებებს. ეკლესია იყო, არის და დარჩება ჩვენი საერთო გზის და ერთობის საფუძვლად“, – განაცხადა კერკირის, პაქსისისა და დიაპონტის კუნძულების მიტროპოლიტმა ნეკტარიოსმა.

მოსკოვისა და სრულიად რუსეთის პატრიარქის პრეს-სამსახურის ფოტო.